

日本後紀

廿一

和書門類			
二八三九五	函	架	冊
一〇	三	七	一

和書			
二八三九五	函	架	冊
一〇	三	七	一

内閣文庫	
番號	和 28395
冊數	10 (8)
函號	270 69



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本後紀卷第廿一

起弘仁二年正月盡閏十二月

左大臣正二位兼行左近衛大將臣藤原朝臣冬嗣等奉勅撰

太上天皇 嵯峨

二年春正月丙申朔皇帝御大極殿臨軒皇太

弟文武百官藩客朝賀如常儀庚子制上殿舍

人一百廿人復舊名為內豎壬寅宴五位已上

并藩客賜祿有差丙午於陸奥國置和我禪縫

斯波三郡從五位下大野朝臣真管為右少辨

日本後紀

卷第廿一

同正

淺草文庫

從五位下秋篠朝臣全嗣為治部少輔從五位
下藤原朝臣真書為雅樂頭從五位下橘朝臣
永繼為民部少輔從五位上大枝朝臣永山為
大判事從五位下淡海真人有成為大藏少輔
左兵衛督從四位下大野朝臣直雄為兼左京
大夫正五位下三嶋真人年繼為造西寺長官
從五位下藤原朝臣文山為次官鑄錢長官從
五位上大枝朝臣繼吉為兼山城公從五位下

紀朝臣南麻呂為河內守正五位下藤原朝臣
道雄為紀伊守^{十三}戊申河內國人從八位上玉作
鯛釣賜姓高道連^{十五}壬子御豐樂院觀射藩客賜
角弓射焉^廿乙卯遣大納言正三位坂上大宿禰
田村麻呂中納言正三位藤原朝臣葛野麻呂
參議從三位菅野朝臣真道等饗渤海使於朝
集院賜祿有差^廿丙辰參議從三位宮内卿兼常
陸守菅野朝臣真道上表致仕曰臣聞晨行暮

息身事之恒分壯仕老休禮制之通範所以宗
名事主保身終命也臣本庸品才用無取涉學
謝於甲科干祿朝於下士徒以早因多幸委質
先朝爰自儲闈洎臨宸極夙夜軒陛縣歷歲序
遂乃曲蒙□獎濫廁簪纓兼文武之崇班帶中
外之厚秩以至今日累沐天恩顧惟尸素伏深
戰慄但臣歷事三朝齒登七十病隨年積志與
身衰雖疲驂輟馭非無顧戀之心而漏盡夜行

恐乖止足之誠伏願歸骸舊里收迹蓬廬養疾
以存餘生杜門而待終日無任慊慊之至謹詣
闕奉表以聞許之但常陸守如故丁巳^{廿二}渤海國
使高南容歸蕃賜其王書曰天皇敬問渤海國
王南容入賀省啓具之惟王資質宏茂性度弘
深敦惠輯中盡恭奉外代居北涯與國脩好浹
日滄溟企乃到矣接天波浪韋能亂之責深効
精慶賀具禮眷彼情款嘉賞何止朕嗣膺景命

處兼春圖尅已以臨宸區丕顯以撫北庶德未
懷述化曷覃遐王念濬善隣心切事大弗難劬
勞聿脩先業況南容荐至使命不隨艤舳窮危
蹇志增勵雖靡求請豈能忍之仍援駕舳副使
押送同附少物至宜領之春寒惟王平安指此
遣書旨不多及戊午正四位上藤原朝臣產子
授從三位已未无品明日香親王坂本親王授
四品甲子從四位上藤原朝臣冬嗣為參議餘

官如故從七位下菅原朝臣清人正六位上朝
野宿禰鹿取授從五位下從六位下勇山連文
繼外從五位下正五位下小野朝臣野主為左
中辨從五位上藤原朝臣伊勢人為右中辨從
五位上登義真人藤津為治部大輔從五位下
橘朝臣永嗣為越前公從五位上藤原朝臣藤
成為播磨公山城國乙訓郡白田一町賜從四
位下百濟王教法是日敕占野開田之徒就國

請地之日不顯町段遠包四至損公妨民莫甚
於此自今以後宜勘町段勿依四至又陸奥出
羽兩國土地曠遠民居稀少百姓浪人隨便開
墾國司巡檢隨即收公是以人民散走無有靜
心宜兩國開田雖无公驗不得收公二月丁卯
授外從五位下志斐連國守從五位下緣陰陽
之道勝於傍人也庚午山城國乙訓郡藥園一
町賜施藥院辛未勅據令條允祭祀者所司預

申官二散齋日平且頒告諸司夫散齋之內不
得弔喪問疾食寢不判刑教不決罰罪人不作
音樂不預穢惡之事今至散齋之日乃頒告諸
司則諸司惜事或犯禁忌宜改令條自今以後
散齋前一日頒告諸司癸酉敕諸國之夷唯仰
公糧宜其男女皆悉給糧但不得及孫乙亥分
縫殿寮宮人卅人配大藏省以縫作幄幔等類
也丙子遊獵于北野五位已上賜衣被戊寅外

從五位下朝野宿祢道守為大炊助從五位下
藤原朝臣賀祐麻呂為右京亮從五位下葛井
宿禰豐繼為造東寺次官外從五位下山田連
弟分為河內外從五位下勇山連父繼為相
摸權掾記傳博士如故已卯詔曰應變設教為
政之要樞商時制宜濟民之本務朕還淳返朴
之風未覃下土興滅繼絕之思常切中襟夫郡
領者難波朝連始置其職有勞之人世序其官

孝德

逮乎延曆年中偏取才良永廢譜第今省大納
言正三位藤原朝臣園人奏云有勞之胤奕世
相承郡中百姓長幼託心臨事成務實異他人
而偏取藝業永絕譜第用庸才之賤下處門地
之勞上為政則物情不從聽訟則決斷無伏於
公難濟於私多愁伏請郡司之擬先盡譜第遂
無其人後及藝業者實得其理宜依來奏十五庚辰
遷御於西宮大宰府官并所管國司聽公辭四

分之一年漕于京遙授之官半今焉上野國元
上國今改為大國^{十七}壬午^{元正}勅常陸國去京遙遠貢
調脚夫路糧多費去靈龜年守從四位上石川
朝臣難波麻呂始置稻五万束每年出奉以利
充糧名曰郡發稻其用度者載帳言上而諸司
勘出不聽出奉宜令依舊叅議正四位下行右
衛士督兼義濃守藤原朝臣緒嗣言臣材無足
取器實空虛病患染躬久積日月是以前日抗

表悉辭所居之官今陛下無遺微臣復參朝議
聖恩不測徒跣高天臣比者沉滯惡瘡療治無
驗似損不損終至大漸劇職事重懼切曠日伏
望解罷所帶養疾私門上除朝連空位之譏下
遂愚臣避賢之願不任丹款懇迫之至謹卧病
拜表以聞不許癸未皇太弟遷於東宮乙酉外
從五位下勇山連文繼為大學助記傳博士相
摸權掾如故從五位下柿本朝臣弟兄為肥前

守^{廿五}庚寅於大宰府鼓岑四天王寺造釋迦佛像
癸巳^{廿八}皇太弟奉獻宴飲極歡而罷五位已上賜
衣被三月丙申朔^{廿六}河內國人從七位下土師宿
禰常盤賜姓秋篠朝臣山城國人正六位上土
師宿禰百枝菅原朝臣^{廿六}庚子安房國人正六位
下大伴直勝麻呂賜姓大伴登美宿禰^{廿九}癸卯武
藏國人正六位下小子宿禰身成貫于左京^{廿七}乙
巳始令諸國進倭囚計帳^{廿四}戊申勅左右近衛兵

衛等劔帶同色彼此難辨改舊色右近衛用緋
絕纈右兵衛用青褐纈賜大外記從五位上上
毛野朝臣類人度一人^{十八}壬子停攝津國川邊郡
搭戶十畑豐嶋郡二畑為平民^廿甲寅勅陸奧出
羽按察使正四位上父室朝臣綿麻呂陸奧守
從五位上佐伯宿禰清岑^廿從五位下坂上大
宿禰鷹養鎮守將軍從五位下佐伯宿禰耳麻
呂副將軍外從五位下物部迎瑳連足繼等曰

去二月五日奏偁請發陸奧出羽兩國兵合二
萬六千人征尔薩體幣伊二村者依數差發早
致襲討事期弥滅不得勞軍以遺後煩又得三
月九日奏知減軍士一萬人將軍等慕愛國之情
中心是深然而搜窮巢窟衆力是資故依先奏
不勞減定將軍等宜知之勅力同意相共畢功
于時出羽守從五位下大伴宿禰今人謀發勇
敢俘囚三百餘人出賊不意侵雪襲伐殺戮尔

薩體餘孽六十餘人功冠一時名傳不朽也又
今人前任脩□守之時與掾正六位上河原連
廣法謀穿山破盤以開大渠百姓難以慮始嗷
二不止成功之後侈蒙其利追以稱嘆是謂伴
渠縱鄴令復生不能加也已未阿牟公人足授
外從五位下人足者大安寺僧泰仙也以工術
聞令造漏刻積年乃成帝嘉其巧思還俗叙位
雖機巧可奇而隻辰易差遂不為用辛酉出雲

國造外從七位下出雲臣旅人授外從五位下。
緣神賀夏也。夏四月甲子朔御大極殿視朔也。
丙寅內宴奏妓。丁卯陸奧國人外正六位下志
太連宮持倭吉弼隻部小金授外從五位下。褒
勇敢也。戊辰四品明日香親王為彈正尹侍醫
從五位下出雲連廣負為兼內藥正。但馬權掾
如故。從五位下藤原朝臣文山為玄蕃頭。正三
位藤原朝臣雄友為宮內卿。從五位下御井王

為正親正。造西寺次官從五位下秦宿祢都伎
麻呂為兼伯耆權人。從五位下大中臣朝臣鯛
取為筑後守。己巳幸神泉苑賜親王己下及諸
衛人綿各有差。甲戌勅河內國統分錢三百貫。
便充當國限三箇年出舉收利為造堤新。又彼
國課丁少數無人差役其散位二子留省之徒。
不直本司常在鄉里者宜限三年補國中雜任。
計其上日行事與考言上。又割公廨息利充堤

所食新其代者廻給隨便國三年以後復舊焉
乙亥^{十一}幸神泉苑右京人正六位上高田首清足
等七人賜姓田村臣丙子^{十三}山城國紀伊郡田二
町賜從四位下伊勢朝臣繼子丁丑^{十四}勅荻麥為
舊禁制久矣今聞京邑百姓未秋之前沽之給
急計其所得倍於收實利苟在民何勞禁制自
今以後永聽賣買戊寅^{十五}近江國栗田廿八町賜
中勢省庚辰^{十七}正四位上文室朝臣綿麻呂為征

夷將軍從五位下大伴宿禰今人佐伯宿禰耳
麻呂坂上大宿禰鷹養為副辛巳^{十八}幸神泉苑侍
臣已上賜衣被壬午^{十九}勅征夷將軍等曰夷狄干
紀為日已久雖加征伐未盡誅鋤今依來請今
將出兵其軍監軍曹等且簡用具奏上但犯軍
法禁身請裁隊長已下依法決斷國之安危在
此一举將軍勉之乙酉^{廿二}公卿奏依去大同二年
詔書七道諸國調物權從輕減欲待人殷即復

恒式而於民未聞繼業於公有乏支用更別買
求還致勞擾伏望改彼權制復厥恒典冀得百
姓守常國用有足許之廢陸奥國海道十驛更
於通常陸道置長有高野二驛為告機急也丙
戌宮内卿正三位藤原朝臣雄友亮雄友者參
議兵部卿從三位乙麻呂之孫右大臣贈從一
位是公之第二子也延曆二年授從五位下為
義作守遷兵部少輔任至正五位上除左衛士

權督俄而為真六年授從四位下歷左京大夫
兼播磨守九年為參議兼大藏卿十五年授正
四位下十六年任大宰帥十七年授從三位拜
中納言廿三年授正三位大同初拜大納言雄
友性溫和不喜怒姿儀可觀音韻清朗至於賀
正宣命推之為帥伊豫親王之遭害也以舅流
于伊豫國弘仁元年免罪授本位拜宮内卿薨
于位時年五十九詔贈大納言廿四丁亥從六位下

笠朝臣梁麻呂授從五位下正七位下當宗忌
寸家主外從五位下從五位上紀朝臣梶繼為
玄蕃頭從五位下笠朝臣梁麻呂為民部少輔
從五位下尾張連粟人為主稅頭從五位下御
長真人仲繼為刑部少輔從五位下小野朝臣
諸野為典藥助外從五位下當宗忌寸家主為
伊賀守從五位下朝野宿祢鹿取為左衛士佐
已丑^{廿六}阿波國人百濟部廣濱等一百人賜姓百

濟公庚寅^{廿七}幸神泉苑右近衛府奉獻侍臣賜衣
被是日遣渤海國使正六位上林宿祢東人等
辭見賜衣被五月戊戌御馬埽殿觀馬射辛丑
勅諸國所進春米庸米去大同三四兩年遭旱
不得悉進若隨色辦脩恐致民苦今官庫之貯
頗有盈餘宜任土所生賀與調物進成輕貨但
畿內者混合正稅癸卯^十勅征夷將軍正四位上
文屋朝臣綿麻呂等曰塞下之俘其數稍多出

軍之後慮生野心將軍等勤加綏撫勿致驚擾
威惠兼施稱于朝制許之從五位上高階真人
遠成為主計頭從五位下小野朝臣真野為齋
宮頭乙巳幸神泉苑帝自茲以後每至假日避
暑於此丁未制夫飛彈工者貢進之年課役俱
免至于逃亡而不役何異調庸之未進自今以
後檢返抄拘解由一同調庸從四位上藤原朝
臣繼業為神祇伯侍從近江守如故從四位下

藤原朝臣縵麻呂為大舍人頭從五位上大中
臣朝臣智治麻呂為治部大輔從五位上登美
真人藤津為兵部大輔從四位上春原朝臣五
百枝為宮内卿右近衛中將從四位上藤原朝
臣藤嗣為兼右京大夫撰津守如故從五位下
紀朝臣因繼為亮從五位下藤原朝臣賀祐麻
呂為武藏人從五位下藤原朝臣友人為讚岐
守己酉賜玄賓法師書曰真俗殊趣禮接自疎

渴仰徽音不捨少選屬夏景燠條炎風扇物想
禪場被服與時宜改聊附法服一具至宜領之
壬子^{十九}勅征夷將軍正四位上兼陸奥出羽按察
使父室朝臣綿麻呂等曰將軍等去二月五日
奏狀傳來六月上旬兩國軍士今頭發入其糒
塩器仗等先已貯備不可更勞者以此觀之緣
軍資物皆已批挑而今月十二日來奏傳軍士
食新并雜物等且仰國司令儲備及絕幕且用

縫作又出羽守大伴宿祢今人巡行管内簡閱
軍士者是知征戰之具猶有寒落前後來奏事
何相乖加以國家之忌及大歲同在東方兵家
所避不可拉觸宜緣軍庶事今年備畢來年六
月發入又檢去延曆十三年例征軍十萬軍監
十六人軍曹五十八人廿年征軍四萬軍監五
人軍曹卅二人今將軍等准兼前例所定卅七
人權用十五人者今所興征軍一万九千五百

餘人然則四万之日軍吏不滿五十今日二万何超六十仍折衷所定軍監十人軍曹十人且精選堪戰者充用言上癸丑勅天下諸國昔遭疾疫續以旱灾百姓彫弊于今未復興言念此深疾于懷宜簡鰥寡孤獨及貧窮老疾不能自存者早加賑給但給法者准延曆十九年例甲寅勅農人喫魚酒禁制惟久而國司寬縱無情糺斷今須遣使重加督察宜令國司在前禁止

若有輒喫并與者即禁其身使到之日付行決罰不得慣常寬容丙辰大納言正三位兼右近衛大將兵部卿坂上大宿禰田村麻呂薨正四位上犬養之孫從三位前田麻呂之子也其先阿智使主後漢靈帝之曾孫也漢祚遷魏避國帶方譽田天皇之代率部落内附家世尚武調鷹相馬子孫傳業相次不絕田村麻呂赤面黃鬚勇力過人有將帥之量帝壯之延曆廿三年

并征夷大將軍以功叙從三位但往還之間從者無限人馬難給累路多費大同五年轉大納言兼右近衛大將頻將邊兵每出有功寬容待士能得死力薨于栗田別業贈從二位時

□六月癸亥朔正四位下巨勢朝臣野足授從三位從五位下直世王從五位上從四位上春原朝臣五百枝正四位下從五位上藤原朝臣道繼正五位下從五位下紀朝臣百繼良岑朝

臣安世從五位上正六位上藤原朝臣清本藤原朝臣總繼紀朝臣和氣麻呂多治比真人弟笠石川朝臣弟助大伴宿禰山道從五位下正六位上廣井宿禰真成外從五位下從五位上直世王為中務大輔相摸守如故從五位下藤原朝臣總繼為少輔從五位下石上朝臣美奈麻呂為兵部少輔從四位下大野朝臣直雄為左近衛中將左京大夫如故叅議從三位巨勢

朝臣野足為右近衛大將。叅議左大辨從四位上秋篠朝臣安人為兼左兵衛督。越後守如故。叅議右大辨從四位下紀朝臣廣濱為兼右兵衛督。從五位下藤原朝臣清繩為佐。出雲人如故。乙丑。令諸國進氏藝人年卅已下。補左右近衛。是日奉幣於伊勢大神宮。戊辰。大僧都傳燈大法師位勝悟卒。法師俗姓凡直。阿波國板野郡人也。法師初為尊應大德弟子。是則芳野神

穀大德之入室也。道業清高。洞明經戒。姿儀不凡。言語可愛。至於非空非有之宗。當時推而相讓。護命慈寶。泰演等英傑。皆自其門而出焉。聖朝嘉尚。授以僧統。時儀稱任得其人。緇徒之中。濫行不聞。政迹之所致也。薪盡火滅。嗚呼哀哉。春秋八十。庚午。正六位上清原真人夏野授從五位下。戊寅。從五位上高階真人遠成為民部少輔。從五位下尾張連栗人為主計頭。從五位

下笠朝臣梁麻呂為豐後介^{十九}辛巳十三大寺僧
尼年八十已上者各賜絕二匹布四端^{廿五}丁亥主
殿寮釜殿自倒秋七月乙未出羽國鎮兵賜復
三年以在邊成家業絕亡也己亥幸神泉苑觀
相撲庚子脩前守正四位下藤原朝臣真雄卒
左京大夫正四位下鷹取之男左大臣正二位
與名之孫也勇力過人頗有武藝為推國^{平城}天皇
之近臣延曆廿二年叙從五位下任近江權介

廿五年授從五位上歷近衛少將大同三年授
正五位下同年□從四位下遷左馬頭自守清
廉不論人短身帶弓劔常侍朱鉤屬天皇遷御
平城分局追從既而一女進謀天皇擬入于伊
勢真雄遮輿而伏忘死固爭蓋魏臣斷鞅之志
乎可謂歲寒而知松柏之後凋者也今上嘉其
忠情特授正四位下拜脩前守在任而卒時年
卅五甲辰^{十二}幸神泉苑陪侍之人賜錢有差乙巳

勅聞平城宮諸衛官人等出入任意不勤宿衛
宜直彼參議加督察焉^{十四}丙午勅征夷將軍正四
位上兼陸奧出羽按察使文室朝臣綿麻呂等
曰者今月四日奏狀具知以俘軍一千人委吉
弥侯部於夜志閑等可襲伐弊伊村彼村俘黨
類巨多若以偏軍臨討恐失機事仍欲發兩國
俘軍各一千來八九月之間左右張翼前後奮

宜與副將軍及兩國司等再三評議具

狀奏上國之大事不可輕畧^{十五}丁未大極殿龍尾
道上有雲氣狀如烟須臾竭滅已酉安藝國佐
伯郡速谷神伊都岐嶋神並預名神例兼四時
幣^{廿三}乙卯侍從二五位下藤原朝臣世嗣為兼右
少辨從五位下多治比真人弟笠為中務少輔
正五位下石川朝臣河主為內匠頭從五位下
豐野真人仲成為主稅頭從五位上田中朝臣
淨人為大藏少輔從五位下清原真人夏野為

宮內少輔從五位下淡海真人有成為左京亮從五位下藤原朝臣總繼為相摸人從五位下大野朝臣真管為下總守從五位下藤原朝臣濱主為出羽人大學頭正五位下御室朝臣今嗣為兼越後守右近衛大將從三位巨勢朝臣野足為兼備前守左大辨從四位上秋篠朝臣安人為兼備中守左兵衛督如故從五位上安倍朝臣真直為周防守山城國乙訓郡地四町

賜左衛士督從四位上藤原朝臣冬嗣廿九辛酉右京人正六位上朝原忌寸諸坂山城國人大初位下朝原忌寸三上等賜姓宿禰出羽國奏邑良志閑村降俘吉弥侯部都留岐申云已等與貳薩體村夷伊加古等久構仇怨今伊加古等練兵勸衆居都母村誘幣伊村夷將伐已等伏請兵糧先登襲擊者臣等商量以賊伐賊軍國之利仍給米一百斛獎勵其情者許之八月乙

丑上統國海上郡加置主政一員壬申山城國
乙訓郡地二町田十町池一處栗林一町賜甘
南備內親王癸酉勅諸國浮浪人若遭水旱者
准平民免調庸但人之寄住各有其主宜勘其
主損免之不得曰茲濫致奸詐甲戌幸神泉苑
五位已上賜綿有差是日二星乍合乍離狀似
相關大宰府言新羅人金巴兄金兼弟金小巴
等三人申去年被差本縣運穀海中逢賊同伴

盡沒唯已等幸賴天祐僅著聖邦雖沐仁浚非
無顧戀今聞鄉人流來令得放歸伏望寄乘同
船共還本鄉者許之丙子山城國乙訓郡地一
町賜春日內親王丁丑廢紀伊國萩原名草賀
太三驛以不要也戊寅遊獵于北野五位已上
賜衣被是日有狼入造兵司為人所斂己丑山
城國人正六位上高麗人東部黑麻呂賜姓廣
宗連是日廢淡部八畑從公戶庚寅勅留庚午

年并五比籍。自餘遠年之籍，宜依令除之。^{廿九}辛卯，
齋內親王^{仁子}禊于葛野川。諸司陪從如常。九月壬
辰朔，禁^下今月祭北辰。舉哀改葬等事。以齋內親
王入伊勢也。出羽國人少初位下无耶志直膳
大伴部廣勝賜姓大伴直^四。乙未，齋內親王入伊
勢。諸司陪從如常。右京人正六位上吉田連宮
麻呂等賜姓宿禰。己亥，令諸國依舊出奉修理
國分寺新^九。庚子，曲宴前殿。命文人賦詩。其文人

五位已上賜被。自餘五位并文人六位已下衣
^{十三}癸卯，大風破京中廬舍。甲辰，被風損者給米有
差。丁未，勅侍平城宮諸衛府官人等，任意不直
已闕宿衛，宜改前勅。即命少將已上便檢校焉。
^{十九}庚戌，停內舍人奏，依舊令闈司奏之。^{廿六}丁巳，遊獵
于紫野。五位已上賜衣被。是月桃李華。冬十月
^二癸亥，正六位上林宿禰東人等至自渤海。奏曰：
國王之啓，不據常例，是以去而不取其錄。事大

初位下上毛野公嗣益等所乘第二船發去之日相失不見未知何在乙丑勅征夷將軍叅議正四位上大藏卿兼陸奥出羽按察使文室朝臣綿麻呂等曰者去九月廿二日奏云隨機量便更分四道士卒數少充用處多加以霖雨無息轉餉有滯不加輜重恐乏兵糧伏望點加陸奥國軍士一千一百人者依奏丙寅上野國利根郡長野牧賜三品葛原親王撰津國人正七

位上別君清名賜姓御林宿禰壬申詔曰衛士兵衛四府者宮掖是守戒嚴非輕所以警慎姦邪防遏虜猾雖綏撫瀛表專叶禮樂之風而備豫機先必資旂矢之利皇明建極大聖秉軋取適於時須有沿革其左右衛士兵衛等宜依舊數從五位下藤原朝臣淨本為宮内少輔從五位上安倍朝臣真直為主殿頭兼豐後守叅議從四位上左衛士督藤原朝臣冬嗣為兼春宮

大夫義作守如故從五位下淨原真人夏野為
亮從五位下文室真人正嗣為周防守甲戌^{十三}勅
征夷將軍參議正四位上行大藏卿兼陸奥出
羽按察使文室朝臣綿麻呂等曰者今月五日
奏狀斬獲稍多歸降不少將軍之經略士卒之
戰功於此而知矣其蝦夷者依請須移配中國
唯俘囚者思量便宜安置當土勉加教喻勿致
勞擾又新獲之夷依將軍等奏宜早進上但人

數巨多路次難堪其強壯者步行羸弱者給馬
乙亥^{十四}大和國添上郡地二町賜左近衛府戊寅^{十五}
賜山城國宇治郡地三町為故大納言贈從二
位坂上大宿祢田村麻呂之墓地庚辰^{十六}從五位
下伊勢朝臣德成為上野介從五位下豐野真
人仲成為肥前守辛巳^{十七}講仁王經乙酉^{十八}遊獵于
栗前野賜五位已上衣被戊子^{十九}遊獵于紫野十
一月庚子^{二十}詔曰伊勢國頃年多事百姓勞擾往

年供奉大嘗。頗疲轉運。重屬兵革。共廢農畝。今
亦勞造神宮。未遑息肩。尋緣齋內親王相替。迎
送祖供不息。念其勞心。殊疚于懷。悅以使民。歷
代之洪猷。救弊可康。曩哲之恒範。宜今年田祖
悉免勿徵。甲辰。賜書存問玄賓法師。又施綿百
屯布卅端。法師即上表謝恩。壬子。賜聽福法師
書曰。煙霞憺泊。素是戰勝之場。京洛囂塵。誠為
染衣之地。和上超俗雲霄。味道巖穴。慧炬有晃。

戒珠無玷。國之元老人之師範。披薜蘿而長往。
賞風月以忘歸。朕嘉尔令德。夢想猶存。謂予不
信。有如曠日。今故行李知聞。兼附送綿百屯布
卅端。至宜充頭陲資耳。時寒。想善加珍衛。從五
位下坂上。大宿禰真弓為大舍人助。從四位下
多治比真人。今麻呂為式部大輔。大和國添下
郡白田一町。賜從五位下三國真人氏人。己未。
改左右衛士府為左右衛門府。十二月辛未。彈

正基置史生六負癸酉始令諸司史生叅國忌
齋會甲戌詔曰天皇詔旨_{良麻}勅命乎衆聞食
止宜陸奥國乃蝦夷等歷代涉時_且侵乱邊境
斂略百姓是以掛畏柏原朝連乃御時_尔故從
三位大伴宿祢弟麻呂等_乎遣_且伐平_{米之}給_比
而餘燼猶遺_且鎮守未息又故大納言坂上大
宿禰田村麻呂等_乎遣_且伐平_{米之}給_尔遠閑伊
村_乎極_且略掃除_{止且之可}逃隱山谷_且盡頭_且

究殂_{止已}不得_{奈利尔}曰茲正四位上父室朝臣
綿麻呂等_乎遣_且其頌覆勢_尔乘_且伐平掃治
{之乎}副將軍等{各同心勦力忘殉心以且}不惜
身命勤仕奉利幽遠_久薄伐巢穴_乎破覆_且遂
其種族_乎絕_且復一二乃遣_毛無邊戎_乎解却
轉餉_{毛乎}停廢_都量其功勞_波上治賜_尔足_{止奈}
御念_湏故是以其仕奉狀乃重輕乃隨_尔冠上
賜_比治賜_{止久}宣天皇御命_乎衆聞食_止宣正四

位上文室朝臣綿麻呂授從三位從五位下佐
伯宿禰耳麻呂正五位下從五位下大伴宿禰
今人坂上大宿禰鷹養從五位上外從五位下
物部匝瑳連足繼外從五位上乙亥^{十四}故遣渤海
錄事大初位下上毛野公嗣益追賜從六位下
以身死王事也丙子^{十五}地震丁丑^{十六}遊獵于大原野
右大臣藤原朝臣內麻呂并山城國奉獻雅樂
寮奏樂賜五位已上衣被閏十二月己亥^九日抱

翼辛丑^{十一}征夷將軍叅議從三位行大藏卿兼陸
奧出羽按察使文室朝臣綿麻呂奏言今官軍
一舉竅賊無遺事須悉廢鎮兵永安百姓而城
柵等所納器仗軍糧其數不少迄于遷納不可
廢衛伏望置一千人充其守衛其志波城近于
河濱屢被水害須去其處遷立便地伏望置二
千人暨充守衛遷其城訖則留千人永為鎮戍
自餘悉從解却又兵士之設為備非常既無遺

寢何置兵士。但邊國之守。不可卒停。伏望置二千人。其餘解却。又自宝龜五年。至于當年。惣卅八歲。邊寢屢動。警□無絕。丁壯老弱。或疲於征戍。或倦於轉運。百姓窮弊。未得休息。伏望給復四年。殊休疲弊。其鎮兵者。以次差點。輪轉復免者。並許之。甲辰^{十四}。遊獵于水生野。御於山埒驛山城。攝津二國奉獻。賜五位已上。衣被乙巳^{十五}。紀伊國人紀直祖。刀自賣之子。嗣宗言。天下之人。皆

承父姓。身為公民。長貢調庸。而嗣宗獨身無所貫。久背課役。是以欲附母戶。外戚不許。且為他子。假濫有制。伏望因親母之居。賜姓藤代。宿祢^{十八}。勅賜吉原宿祢。貫于左京。戊申。左京人從六位下多治比連年繼。賜姓宿祢。大和國人從八位下大役連福貴麻呂。賜姓大真連。己酉^{十九}。出羽國百姓賜復三年。勞軍役也。乙卯。正六位上宗人朝臣高志。正六位下物部田繼。正六位下飯高

宿祢姉網授外從五位下大和國人正六位下
賀茂宿祢河守正七位上賀茂宿祢關守等賜
姓朝臣丁巳右京人從五位上高村忌寸田使
故從五位下高村忌寸真木山等賜姓宿祢焉

日本後紀卷第十一

考異

藩客一張右五行藩類聚國史渤海二右六渤海
史日本紀畧作蕃下同通
補史聿脩三左三聿塞志三左四志來請三左四類史
未從三位二今從紀畧舊作官散齊日五左一散
令及類聚夫散齊之內五右一夫三領告五右
舊缺三領告五右五領舊缺縫殿寮宮人五右
代格補三領告五右五領舊缺縫殿寮宮人五右
七官舊作官庸才六右四才三年漕千京六左
史無類史訂庸才六右四才三年漕千京六左
年字丙申朔七左三按四月甲午朔視告朔甲

陸奧國人九左三國舊長有十左四長高野有舊作有長

擧延喜兵缺擧例補贈從一位十一左六贈舊徵舊音左十四

部式訂贈從一位作十一左六賜舊擧例訂徵舊音左十四

徵類史自存作十五左六存舊付行類十六右一附廿

贈從二位時十六左四二舊作三擧下文訂按

史云戊午信濃國獲直彼十公卿補任又類

白鳥戊午廿五日直字紀綿

麻呂等十九左三等今月類廿二左四月舊缺擧

日新獲之夷作廿四左八獲舊洪猷廿五左四洪

史無玷廿六右一玷舊元老作廿六右一本作元類史

訂作沾擧類史訂元老作廿六右一本作元類史

嘉尔令德廿六右二嘉舊追賜從六位下廿七左五

賜類史紀宗人作廿九左七宗舊

畧作贈宗人作宗今從類史

右日本後紀殘冊第十二弟廿一門人稻山行教於京
都寫之以類聚國史日本紀略等諸書校合畢

享和元年十一月日
檢校保巳一

